

Headlines

1. गृहमंत्री अमति शाह होर 2 दिनें दे दौरे लेई जम्मू आवा'रदे न। ओह उपराज्यपाल मनोज सिन्हा ते उच्च अधिकारिएं कन्नै बैठक लाइयै सुरक्षा बंदोबस्तें दा जायजा लैंगन।
2. गृह मंत्रालय नै श्री अमरनाथ जी दी यात्रा दरान खरी मती गिनतरी च नीम फौजी बलें दी तैनाती दी मंजूरी दिक्ती। यात्रा गी सुचारू ते रमानदारी आले ढंगे सिर करोआने लेइ नीम फौजी बलें दियां 581 कंपनियां कीतियां जांगन।
3. रक्षा मंत्री राजनाथ सिंह होरें आखेआ जे पाकिस्तान कन्नै हुन जिसलै बी गल्लबात होग तां ओह आतंकवाद ते मकबूजा कश्मीर दे बारे च गै होग।
4. 11में अंतराष्ट्रीय योग दिवस लेई आयूष मंत्रालय दियां तैआरियां जारी। इक लक्ख थमां बद्ध कार्यक्रम आयोजित कीते जांगन।
5. भद्रवाह च लवेंडर दी फसल नै कुल उत्पादकें च नमीं मेद जगाई ऐ। करसानें आखेआ जे पर्पल रैवुल्यूशन गी लैवेंडर उत्सव वैश्विक पंछान देग।

<><><><><><>

HM-Jammu Visit

गृहमंत्री अमित शाह होर आपरेशन सिंदूर दे बाद खित्ते दे दक्कं दिनें दे दौरे लेई अज्ज संजा जम्मू आवा करदे न। आकाशवाणी दे जम्मू संवाददाता दी रिपोर्ट मूजब अपने इस दौरे तैह्त् श्री शाह होर अज्ज संजा तकरीबन 7 बजे जम्मू पुज्जगन। जम्मू पुज्जने परैत गृहमंत्री हुंदा इक उच्ची सतह दी सुरक्षा जायजा बैठक लाने दा कार्यक्रम ऐ जेह्दे च उपराज्यपाल मनोज सिन्हा, केन्द्री गृह मंत्रालय, फौज, नीम फौजी बलें, पुलस, खुफिया अजेंसिएं ते सिविल प्रशासन दे आला अधिकारी हिस्सा लैंगन। आपरेशन सिंदूर दी पछोकडै च पाकिस्तान आस्सेआ कीती जाई सकने आली गतिविधिएं गी दिक्खदे होई लाई जा'रदी इस बैठक दरान आतंकवाद रोधी अभियानें ते औंदी श्री अमरनाथ जी दी यात्रा लेइ सुरक्षा बंदोबस्तें पर मुख् करियै चर्चा कीते जाने दी मेद ऐ। शाह होर कल बडलै 10 बजे पुंछ लेई रवाना होई जांगन जित्थें ओह पाकिस्तानी गोलाबारी दी मारै हेठ आए दे लोकें कन्नै मलाटी करगन। मेद ऐ जे शाह होर गोलाबारी करी प्रभावत लोकें लेई इक बशेष पैकेज दा ऐलान करी सकदे न।

<><><><><><>

MHA-Parliamentary

केन्द्री गृह मंत्रालय औंदी 3 जुलाई थमां शुरू होआ करदी श्री अमरनाथ जी दी सलाना यात्रा गी दिक्खदे होई यात्रा दे रस्तें ते आले दोआले दे इलाकें दी सुरक्षा लेइ बड़डे पैमाने पर नीफ फौजी बलें दी तैनाती दी मंजूरी देई दित्ती ऐ। आकाशवाणी दे जम्मू संवाददाता दी रिपोर्ट मूजब श्री अमरनाथ जी दी यात्रा गी सुरक्षत ते बवस्थित ढंगे सिर करोआने लेई जम्मू कश्मीर च न्नु फौजी बलें दियां कुल 581 कंपनियां तैनात कीतियां जांगन। गृह मंत्रालय नै जम्मू कश्मीर प्रशासन ते पुलस गी एह अख्तियार दित्ता ऐ जे ओह् खित्ते च पैहले शा तैनात केन्द्री थेआरबंद पुलस बलें दिएं 156 कंपनिएं गी इस्तेमाल च आहन्नी सकदे न। गृह मंत्रालय आस्सेआ औंदी 10 जून तोड़ी बाद्द 425 कंपनिएं गी प्रदेश च भेजी दित्ता जाग।

<><><><><><>

DM-Terrorism(byte)

रक्षा मंत्री राजनाथ सिंह होरें आखेआ ऐ जे मेक इन इंडिया राश्ट्री सुरक्षा दा इक अहम हिस्सा ऐ ते इन्ने आपरेशन सिंदूर दे दरान आतंकवाद खलाफ भारत दी असरदार कारवाई च बड़ी महत्वै आली भूमका नभाई ऐ। भारती उद्योग महासंघ सी.आई.आई दे नमीं दिल्ली च लोआए गेदे सलाना कारोबारी शिखर सम्मेलन दरान भाषण दिंदे होई श्री सिंह होरें आखेआ जे भारत नै आतंकवाद खलाफ अपनी रणनीति ते प्रतिक्रिया दौनें गी नमें सिरैया तैआर ते परिभाषित कीता ऐ।

रक्षा मंत्री होरें पाकिस्तान थमां पैदा होने आले आतंकवाद दे खलाफ भारत दी नतीजाकु'न कारवाई लेई स्वदेशी तौर पर विकसित कीती गेदी भारत दी रक्षा प्रणालिएं दी सराहना कीती। उनें आखेआ जे भारत दे अलावा रक्षा उत्पादन नै ऐगती 1 लक्ख 46 ज्हार करोड़ रपे दे आंकड़े गी पार करी लैता ऐ जेहड़ा अपने आपै च इक रिकार्ड ऐ।

<><><><><><>

Reasi Viksit Kridhi(byte)

विकसित कृषि संकल्प अभियान अज्जै थमां मुख्य भरै च शुरू होई गेआ। एह अभियान 29 मई थमां 12 जून तगर चलोग। एहदे राएं मुख्य भरै दे इक करोड़ 50 लक्ख करसानें तगर पुज्जने दी कोशश कीती जाग। इस्सै जतन तैहत इक विशेष जागरूकता कार्यक्रम रियासी जिले दे पैथल ब्लाक दे सीडा ग्रां च बी शुरू होआ। एहदे च केई सारे करसानें ते राई बाई कन्नै जुड़े दे सरबंधत लोकें हिस्सा लैता। आकाशवाणी समाचार कन्नै गल्ल करदे होई कृषि विज्ञान केन्द्र रियासी दे प्रमुख डॉ. बनारसी लाल होरें इस अभियान दे उद्देश्य ते लक्ष्यें पर लोह पाई ते आखेआ

<><><><><><>

Rajouri Viksit Kridhi

विकसित कृषि संकल्प अभियान राजौरी च बी शुरू होआ। एहदी शुरूआत राजौरी दे कृषि विज्ञान केन्द्र थमां कीती गई। इस मौके पर केवीके राजौरी दे वैज्ञानिक ते होर दुए अधिकारी उत्थें मजूद हे। त्रै गड्डिएं गी इस मौके पर खाना कीता गेआ। एह गड्डियां अगले 15 दिनें दरान बक्ख-बक्ख पंचैतें च जाइयै करसानें दिएं समस्याएं गी समझगंन ते करसानें अंदर जागरूकता पैदा करगंन। इस बारे होर जानकारी दिंदे होई इक अधिकारी नै आखेआ

<><><><><><>

IDY

11में अंतर्राष्ट्रीय योग दिवस दे आयोजन दी तैआरिएं गी ध्यान च रखदे होई नमीं दिल्ली च इक अंतर आयुक्त समिति दी बैठक आयोजित कीती गई। जेहदे च अंतर्राष्ट्रीय योग दिवस 2025 दी रणनीतिएं पर चर्चा कीती गई। एहदे च प्रमुख मंत्रालय आयुष संस्थानें ते सरबंधत विभागें दे वरिष्ठ अधिकारिएं हिस्सा लैता तां जे इस वैश्विक सेहत उत्सव च व्यापक भागीदारी ते असरदार प्रचार जकीनी कीता जाई सकै। इस मौके पर आयुष मंत्री प्रतापराव जाधव होरें सरकार दे समग्र नजरियै दे महत्व पर जोर पाया तां जे प्रधानमंत्री हुंदे हर नागरिक तगर योग पजाने आले दृष्टिकोण गी साकार कीता जाई सकै। 21 जून बी अंतर्राष्ट्रीय योग दिवस दे मौके पर तकरीबन इक लख योग कार्यक्रम आयोजित कीते जांगन। प्रधानमंत्री होर आंध्रप्रदेश च आयोजित होने आले कार्यक्रम च मुख्य दी अगुवाई करगंन।

<><><><><><>

LG

असम दी गुवाहटी थाहरे थमां आत्म रक्षा आले खेत्तर दिएं प्रशिक्षक अशिमता पॉल होरें अज्ज उपराज्यपाल मनोज सिन्हा उंदे'नै मलाटी कीती। पॉल होर "बेटी बचाओ-बेटी पढ़ाओ" आली पैहलकदमी गी बढ़ावा देने दे मकसद कन्नै दो-पहिया गड्डी पर इक्कले गै गुवाहटी थमां कश्मीर तोड़ी दी यात्रा करै करदियां न। श्री सिन्हा होरें अशिमता पॉल होरें गी मुबारकबाद दिंदे होई उंदी इस दिल बधाने आली यात्रा लेई उनेंगी शुभकामनां बी दित्तियां। उपराज्यपाल होरें बेटी बचाओ बेटी पढ़ाओ आली पैहलकदमी बारे जागरूकता बधाने ते कन्नै कुड़िएं दी पढ़ाई-लखाई ते उनेंगी बाअख्तियार बनाने लेई लगातार पूरी निष्ठा कन्नै कम्म करने लेई अशिमता पॉल हुंदे जतनें दी सराहना कीती।

<><><><><><>

Lavender Crop

भद्रवाह दिएं खूबसूरत वादिएं च ऐगती लवेंडर दी बम्पर पैदवार दी मेद बुज्झी जा'रदी ऐ। जिले च मरमत दे हुद्द ग्रांS ते नियोता करियां पंचैत दे करसानें, भद्रवाह च पैहली जून थमां लवेंडर फेस्टिवल दे आयोजन लेई केन्द्री मंत्री डाक्टर जीतेन्द्र सिंह हु'दा आभार जताया ऐ। उ'नें आखेआ ऐ जे इस उत्सव कन्नै बैंगनी क्रांति गी आलमी सतह उप्पर पन्छान थ्होग। इस सरबंधै च आकाशवाणी समाचार कन्नै गल्ल करदे होई लवेंडर दी खेती करने आहली महिला करसान मीना कटोच ते इक होर करसान तौकीर बागबां होरें आखेआ ऐ

<><><><><><>

R&R Comm-Kheer Bhawani

राहत ते बाबादकारी आयुक्त डॉ. अरविंद करवानी होरें माता क्षीर भवानी मेले दी तैआरिएं दे मौके पर जाइयै जायजा लैता। मेला 3 जून गी श्रद्धालुएं गी जम्मू थमां ट्रांसपोर्ट दी सुविधा बी उपलब्ध करोआई जाग। डॉ. करवानी होरें गांदरबल, कुलगामख अनंतनाग ते कुपवाड़ा दे मुत्तलका जिला प्रशासन कन्नैअ ते मंदर दी प्रबंधक कमेटी भिंबरें कन्नै बी गल्लबात कीती। उनें यात्रिएं गी उपलब्ध करोआई जाने आली सुविधाएं दा बी जायजा लैता।

<><><><><><>

Road Safety Drive(byte)

मोटर गडिडएं सरबंधी मैहृकमे आस्सेआ बनिहाल ते एह्दे आले दोआले दे ट्रैफिक नियमें दी खलाफवर्जी करने आले खलाफ इक विशेष मुहिम चलाई गई। एह्दी अगुवाई एआरटीओ रामबन इंजीनियर कुलदीप सिंह होरें कीती। उनें जानकारी दित्ती जे मुहिम दरान 19 गडिडएं दे चलान कीते गे ते 5 गी सीज कीता गेआ। उनें दस्सेआ जे मगरकोट, उखराल च बी मुहिम चलाई गई।

<><><><><><>